

ՀԱՅԱՍՏԱՆԻ ԳԱՐԵՎԱՆԻ ԺՈՂՈՎԱԸ

Մարտի 26-ին տեղի ունեցավ ՀՍՍՀ ԳԱ տարեկան ժողովը, որը նվիրված էր ԳԱ 1968 թ. գիտական զործունեության արձանագրության և ակադեմիայի 25-ամյակին:

Ժողովում «Ակադեմիայի 25 տարին և նրա հերթական խնդիրները» ղեկուցումով հանդես եկավ ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը:

— 1943 թվականի նոյեմբերյան ա՛նդ օրերին ծնունդ առավ Հայկական ՍՍՀ գիտությունների ակադեմիան, — ասաց Վ. Համբարձումյանը, — Հայրենական մեծ պատերազմի ծանր օրերին կատարված այդ ակտը, երբ սովետական ժողովրդի նյութական ու հոգևոր ուժերը ուղղված էին թշնամուն ջախջախելու նպատակին, լենինյան ազդեցին քաղաքականության հաղթանակի փայլուն արտահայտություն է: Հայաստանի ակադեմիայի ստեղծման գործում վիթխարի դեր խաղաց նաև նրա առաջին պրեզիդենտ, ակադեմիկոս Հովսեփ Օրբելին:

Ձևակուցողը ընդգծեց, որ ակադեմիայի գոյության առաջին իսկ տարիներից հատուկ ուշադրություն էր նվիրվում ֆիզիկա-տեխնիկական և մաթեմատիկական գիտություններին: Դրա շնորհիվ աստիճանաբար ակադեմիայի և ֆիզիկայի, մաթեմատիկայի և մեխանիկայի, հաշվողական տեխնիկայի ասպարեզում հայ գիտնականները հասան միջազգային ճանաչում գտած հաջողությունների: Նրանց հետազոտությունները նպաստեցին արդյունաբերության և գիտության կարևորագույն ճյուղերի, էներգետիկայի, էլեկտրատեխնիկայի և էլեկտրոնիկայի, սարքաշինության, շինարարական գործի զարգացմանը:

Անդրադառնալով քիմիական գիտություններին և երկրագիտությանը, ակադեմիկոս Վ. Համբարձումյանը նշեց այդ բնագավառներում կատարված աշխատանքների լայն դիսպոզիցիոն և մեծ արդյունավետությունը: Նա ընդգծեց, որ Հայաստանի տեղիտուրան եղակի է Միության մեջ օգտակար հանածոներով հագեցվածության տեսակետից, ուստի և ընդերքի հետախույզների առաջ անընդհատ նորանոր խնդիրներ են դրվում:

Տեսական ու գործնական մեծածախլ պրոբլեմներ են մշակվել ֆիզիոլոգիայի, ագրոքիմիայի, հիդրոպոնիկայի, միկրոկենսաբանության, բիոքիմիայի բնագավառներում, որոնք մեծ հետաքրքրություն են առաջացրել հանրապետության սահմաններից շատ հեռու:

Կանգ առնելով հայրենական գիտությունների վրա, ակադեմիկոս Վ. Համբարձումյանը ասաց, որ հայրենական գիտությունների բնագավառում մեր աշխույժները ավելի հարուստ են, քան գիտության որևէ այլ ասպարեզում: Բավական է հիշատակել, որ հանրապետության գիտությունների ակադեմիայի առաջին կազմի մեջ մտան այնպիսի խոշոր հայագետներ, ինչպիսիք են Հր. Աճառյանը, Հ. Օրբելին, Մ. Արեղյանը, Հ. Մանանդյանը, Ս. Մալխասյանը, որոնք դրեցին այդ բնագավառի հետադա աշխատանքների հիմքերը:

Հայաստանի գիտությունների ակադեմիայի գիտնականների կապերը, նշեց ակադեմիկոս Վ. Համբարձումյանը, ամրապնդվել են եղբայրական սովետական հանրապետությունների և արտասահմանյան պետությունների գիտնականների հետ: Արտասահմանյան գործուղումների թվով Հայաստանի գիտությունների ակադեմիան հանրապետական ակադեմիաների մեջ առաջին տեղն է գրավում:

Հանրագումարի բերելով ակադեմիայի 25-ամյա գործունեությունը, ղեկուցողն ասաց, որ այդ ժամանակամիջոցում հանրապետությունում գիտական աշխատողների թիվը ավելացել է 10 անգամ և կազմում է մոտավորապես 16 հազար:

Ձևակուցման վերջում ակադեմիկոս Վ. Համբարձումյանը կանգ առավ հանրապետության գիտության զարգացման հեռանկարների վրա: Նա հատուկ ուշադրություն նվիրեց ավտոմատացման, գիտական փորձերի ու չափումների, գիտական սարքաշինության ինտենսիվ զարգացման հարցերին:

«Ակադեմիայի 25 տարին և նրա հերթական խնդիրները» և «ՀՍՍՀ ԳԱ 1968 թ. գիտական գործունեության հիմնական արդյունքների հաշվետվությունը» ղեկուցումների շուրջը բացվեց մտքերի փոխանակություն:

ՀՍՍՀ ԳԱ փոխարկելի դեմքեր, ակադեմիկոս Ա. Ռ. Հովհաննիսյանի ելույթը նվիրված էր հասարակական գիտությունների բաժանմունքի հիմնարկների գործունեությանը: Անցյալ տարի, ասաց նա, գիտության այդ ճյուղերի զարգացման նպատակին հատկացվել են մեծ միջոցներ ու սարքավորումներ, բայց համապատասխան շենք չունենալու պատճառով ձեռք բերված ապարատները չեն օգտագործվում: Երբ ամբողջ սովետական ժողովուրդը նախապատրաստվում է Վ. Ի. Լենինի ծննդյան 100-ամյակին, առանձնապես կարևոր խնդիրներ են զրկում պատմաբանների, լեզվաբանների, գրականագետների առջև: Գիտությունների ակադեմիայի նախագահությանը արդեն հաստատվել է այդ նշանակալի տարեթվին նվիրված հոբելյանական սեսիաների և գիտաժողովների պլանը: Բացի դրանից, ընթացիկ տարվա դեկտեմբերից նրանում և հանրապետության ուրիշ բաղադրանքներում անցկացվելու են լենինյան թեմայի առանձին պրոբլեմներին նվիրված 13 սեսիա:

ՀՍՍՀ ԳԱ ակադեմիկոս Ս. Կարապետյանը խոսեց կերի սպիտակուցի պրոբլեմի մասին, որն ունի ժողովրդատնտեսական կարևոր նշանակություն: Այդ հարցի լուծման ենթոտեղծակադեմիայի մի շարք ինստիտուտների կոլեկտիվների միացյալ ուժերի շնորհիվ:

Գիտական կարևոր հարցերի մասին ելույթներով հանդես եկան նաև ակադեմիկոսներ Ա. Ղաբրիլյանը, Ի. Նդիպարովը, պրոֆեսոր Խ. Միրիմանյանը:

Ընդհանուր ժողովում «Բուլսերի աճի ու փթթման քիմիական կարգավորումը» զեկուցումով հանդես եկավ ակադեմիկոս Ս. Զալախյանը:

ՀՍՍՀ ԳԱ ընդհանուր ժողովի աշխատանքին մասնակցեցին ՀՍՍՀ Մինիստրների սովետի նախագահ Բ. Մուրադյանը, ՀՍՍՀ Գերագույն սովետի նախագահության նախագահ Ն. Հարությունյանը, ՀԿԿ Կենտկոմի քարտուղարներ Դ. Տեր-Ղազարյանը, Ռ. Խաչատրյանը, ՀՍՍՀ Մինիստրների սովետի նախագահի տեղակալ Լ. Ստեփանյանը:

ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎԸ

Մարտի 24—25-ին տեղի ունեցավ ՀՍՍՀ ԳԱ հասարակական գիտությունների բաժանմունքի տարեկան ժողովը: «Բաժանմունքի 1968 թ. գիտական գործունեության հիմնական արդյունքները» զեկուցումով հանդես եկավ բաժանմունքի ակադեմիկոս-բարտուղար, ՀՍՍՀ ԳԱ ակադեմիկոս Դ. Պ. Աղայանը:

— Առաջնորդվելով հասարակական գիտությունների զարգացման վերաբերյալ կուսակցության և կառավարության որոշումներով, — նշեց զեկուցողը, Հայաստանի գիտությունների ակադեմիայի հասարակական գիտությունների գիտահետազոտական հիմնարկները վերջին ժամանակներս հասել են զգալի նվաճումների: Հաշվետու տարում բաժանմունքի հիմնարկներում ուսումնասիրվել է 303 թեմա, որոնցից ավարտված է 115-ը:

Այնուհետև, ակադեմիկոս Դ. Պ. Աղայանը իր զեկուցման մեջ կանգ առավ բաժանմունքի գիտական հիմնարկների գիտահետազոտական աշխատանքների վերլուծման վրա:

Այսպես, տնտեսագիտության բնագավառում հատուկ ուշադրություն է դարձվել հասարակական արդյունավետության բարձրացման պրոբլեմների ուսումնասիրմանը: Տնտեսագետները հետազոտել են այնպիսի պրոբլեմներ, ինչպես «Շահութաբերության և աշխատանքի վարձատրության համահարթեցման պրոբլեմները հանրապետության կոլտնտեսություններում», «Տնտեսական հաշվարկն ու հիմնական արտադրական ֆոնդերի օգտագործման արդյունավետության բարձրացումը ՀՍՍՀ կոլտնտեսություններում», «Ձուլվածքային արտադրության համակենտրոնացումը և մասնաշիտացումը Հայկական ՍՍՀ-ում», «Գիտատեխնիկական առաջադիմությունը և նրա նյութական խթանումը», «Հայաստանի տնտեսական զարգացումը վաղ ստրկատիրական ժամանակաշրջանում», «Ստեփան Շահումյանի տնտեսագիտական հայացքները» և այլ թեմաներ: Ինստիտուտը զգալի օգնություն է ցույց տվել հանրապետության արդյունաբերական ձևակերպություններին՝ տնտեսական ռեֆորմի իրականացման գործում:

Հաշվետու տարում գիտահետազոտական զգալի աշխատանքներ է տարել պատմության ինստիտուտը: Նրա վերջին տարիների կարևորագույն պրոբլեմը եղել է հայ ժողովրդի պատմության բազմազատրյակի և պատմագրության պատմության ուսեղծումը: Այդ ուղղությամբ, չնայած կատարված զորական աշխատանքներին, դեռևս անելիքներ կան, որոնք պետք է դառնան մեր պատմաբանների ուշադրության առարկան: Պատմության ինստիտուտի ավարտված պրոբլեմներից են՝ «Հայ ժողովրդի զավակների մասնակցությունը Բելոռուսիայի ազատագրման համար մղված մարտերում (1941—1944 թթ.)», «Արևելյան Հայաստանի միացումը Ռուսաստանին» փաստա-

միջկերի ժողովածու (հատոր 1), «Հայ ժողովրդի մատենագիտություն» (3-րդ հատոր) և այլ թեմաներ:

2. Աճառյանի անվան լեզվի ինստիտուտում շարունակվել են աշխատանքները ժամանակակից հայոց լեզվի գիտական բերականության ուղղությամբ: Հաշվետու տարում ինստիտուտում կազմակերպված տերմինաբանության բաժինը հնարավորություն կստեղծի ավելի մոտիկից և զործնականորեն զբաղվելու սովետահայ տերմինաբանության հարցերով: Զգալի աշխատանք է կատարվել նաև հայոց լեզվի պատմա-համեմատական ուսումնասիրության, բառարանագիտության ուղղությամբ և այլն:

Մ. Արեղյանի անվան գրականության ինստիտուտի կարևոր խնդիրն է եղել՝ ստեղծել հայ նոր գրականության հինգ հատորյակը: Արդեն լույս են տեսել առաջին երեք հատորները: Աշխատանքներ են տարվել հայ դասական գրողների կյանքի և ստեղծագործության ուսումնասիրության, գրականության տեսության, տեքստաբանության, գրական կապերի, ինչպես նաև Հ. Թումանյանի ծննդյան 100-ամյակի նախապատրաստության ուղղությամբ:

Հնագիտները շարունակել են իրենց ուսումնասիրությունները Աճառյանի, Մեծամորի, Կարմիր բլուրի, Արիսթրեդի, Նոր Արմավիրի, Գառնիի, Հին Արմավիրի, Դվինի հնագիտական օբյեկտներում: Պեղումների հնագիտական հետազոտությունների միջոցով հայտնաբերվել են նոր հնագիտական նյութեր՝ Արգիշտի առաջինի, Սարգուր Երկրորդի, Ռուսա Երրորդի արձանագրությունները: Հնագետները նաև կայանքներ են հայտնաբերել Կարմիր լեռի մոտ՝ 2750-ամյա հորեյանի նախապատրաստման և անցկացման գործում: Ավարտվել են այնպիսի կարևոր թեմաների ուսումնասիրությունները, ինչպես «Հայաստանի կիլիկյան ամրոցները», «Միջնադարյան Հայաստանի ամրոցները», «Դվինի կենտրոնական թաղամասի պեղումների արդյունքները», «Գեղամա լեռների ժայռապատկերները», «Մ. թ. ա. 3-րդ հազարամյակի արվեստն ու պաշտամունքը» և այլն: Զգալի աշխատանքներ են տարվել նաև աղագրության և բանասիրության բնագավառներում:

Արվեստի ինստիտուտի ուղադրության կենտրոնում են եղել Կոմիտասի ծննդյան 100-ամյակի նախապատրաստության կապակցությամբ մեծ կոմպոզիտորի ստեղծագործությանը նվիրված ժողովածուի, Կոմիտասի երգերի 6—8-րդ հատորների՝ շատարակության պատրաստելը, «Հայ երաժիշտների կենսագրական համառոտ բառարանի» կազմումը, ներկողայու Տիգրանյանին և հրիստափոր Կուշնարյովին նվիրված ժողովածուների, «Հայ ճարտարապետության պատմության» ռապակերները», «Մ. թ. ա. 3-րդ հազարամյակի արվեստն ու պաշտամունքը» և այլն: Զգալի աշխատանք է կատարվել նաև մշակութային կապերի ուսումնասիրության, հայկական կիրառական արվեստի, շեքսպիրագիտության և այլ բնագավառներում:

Արևելագետները ավարտել են «Էրանի հայ գաղութը 1917—1918 թթ.», «Հայ-արաբական դրական և կոլտուրական կապերը», «Հայկական սղրությունները Հնդկաստանի և ՄԱՀ գրի հայ-հնդկական հարաբերությունների մասին» և այլ պրոբլեմների ուսումնասիրությունը:

Փիլիսոփայության և իրավունքի սեկտորի գիտնականները հրատարակության են հանձնել «Գիտական գիտելիքների տրամաբանական վերլուծության փիլիսոփայական հարցերը» կոլեկտիվ աշխատությունը, Վ. Ի. Լենինը սոցիալիստական հեղափոխության դիալեկտիկայի մի բան է հարցերը՝ ուսումնասիրությունը: Զգալի աշխատանք է կատարված նաև իրավունքի և էթիկոսիկայի բնագավառներում:

Այնուհետև, ակադեմիկոս Ն. Պ. Աղսախանը մանրամասն անդրադարձավ հասարակական գիտությունների բաժանմունքի և նրա բյուրոյի գործունեության վերլուծմանը: Նա նշեց, որ հաշվետու տարում տեղի է ունեցել բյուրոյի 15 նիստ, որտեղ քննարկվել են 42 գիտական և գիտակազմակերպական հարցեր, որից 18-ը քննարկվել է ՀՍՍՀ ԳԱ նախագահության նիստում: Բյուրոյում քննարկված հարցերից են՝ Գառնիի հեթանոսական տաճարի վերակառուցումը, հայ ժողովրդի պատմության բազմաշատորյակի հրատարակումը, Մ. Մաշտոցի անվան մրցանակաբաշխությունը, հայ-հունգարական գիտությունների տկաղեմիաների համագործակցությունը և այլ հարցեր: Հաշվետու տարում բաժանմունքի հիմնարկներում ստեղծվել են մի շարք նոր բաժիններ. փիլիսոփայության և իրավունքի սեկտորում՝ կոնկրետ սոցիոլոգիայի լարորատորիա, տնտեսագիտության ինստիտուտում՝ վերակազմվել և ընդլայնվել է տնտեսագիտական-մաթեմատիկական հետազոտությունների բաժինը, որի համար ձևեր է բերվել էթիկոսիկային հաշվիչ տեխնիկա, պատմության ինստիտուտում՝ պատմագրության բաժին, լեզվի ինստիտուտում՝ տերմինաբանության բաժին: ԳԱ նախագահությունը որոշում է ընդունել հասարակական գիտությունների բնագավառի գիտական ինֆորմացիայի կենտրոն ստեղծելու մասին:

Լուրջ ուղադրություն է դարձվել կադրերի պատրաստման վրա: Հաշվետու տարում բաժանմունքի հիմնարկներում ընդունվել են 40 երիտասարդ ասպիրանտներ՝ ասորագիտության, շումերա-

գիտություն, ազգագրական սոցիոլոգիայի, Աղվանքի պատմության, հյուսիս-կովկասյան լեզուների, հայ-բյուզանդական բանասիրության, կոնկրետ սոցիոլոգիայի, տնտեսական իրավունքի և այլ սոր մասնագիտությունների գծով: Բաժանմունքը հաստատել է նաև ասպիրանտուրայի 1969 թ. ընդունելության պլանի նախագիծը, որտեղ ուշադրություն է դարձվել այնպիսի նոր մասնագիտությունների վրա, ինչպիսիք են տնտեսագիտական մաթեմատիկան, տերմինաբանությունը, կոնկրետ սոցիոլոգիան, հին Արևելքի պատմությունը, հայ-հունգարական դրական-կուլտուրական կապերի ուսումնասիրությունը և այլն:

— Նշելով մեր հիմնարկների ձեռք բերած նվաճումները, — ասաց զեկուցողը, — չի կարելի մոռացության տալ այն հանգամանքը, որ նրանք ապահովված չեն գիտական աշխատանքի համար նորմալ պայմաններով: Շատ գիտական աշխատողներ տեղ չունենալու պատճառով աշխատում են հիմնարկից դուրս, չկան հնարավորություններ ժամանակակից տեխնիկական սարքավորումները օգտագործելու, նոր լաբորատորիաներ ստեղծելու համար: Մինչդեռ հասարակական գիտությունների բաժանմունքի շենքի (որի կառուցումը սկսվել է 1966 թ.) շինարարությունը շատ դանդաղ է ընթանում:

Զեկուցման վերջում ակադեմիկոս Ս. Պ. Աղայանը առաջ քաշեց գիտական հիմնարկների և բաժանմունքի առջև դրված մի շարք անհետաձգելի խնդիրներ: Սասնավորապես նա նշեց, որ անհրաժեշտ է կոորդինացնել գիտական հիմնարկների գործունեությունը, կատարել հայ ժողովրդի պատմության, դրականության, արվեստի վերաբերյալ կոլեկտիվ հետազոտություններ, լուծել հիմնարկները նոր կադրերով կոմպլեկտավորելու, նոր բաժիններ ստեղծելու, գործուղումներ և արշավախմբեր կազմակերպելու, ֆինանսավորման, գիտական աշխատողների աշխատանքային և կենցաղային պայմանները բարելավելու, կոմպլեքսային խոշոր պրոբլեմների մշակման և այլ հարցեր: Պետք է լուրջ ուշադրություն դարձնել հրատարակչական աշխատանքների վրա: Տպարանի ներկա վիճակը հնարավորություն չի տալիս հրատարակելու մեր գիտնականների կողմից ստեղծած արժեքավոր աշխատությունները: Պետք է արժատապես բարելավել նաև մեր պարբերականների ժամանակին հրատարակման և որակի բարձրացման գործը:

— Ընթացիկ տարում. — նշեց զեկուցողը, — հայ ժողովուրդը Նշելու է մեր ազգային կուլտուրայի ականավոր ներկայացուցիչներ Հովհաննես Թումանյանի, Կոմիտասի ծննդյան 100-ամյակը, մեր գիտնականները պետք է ակտիվորեն մասնակցեն այդ հոբելյանների նախապատրաստմանը:

Սովետական ժողովուրդը պատրաստվում է նշելու Վ. Ի. Լենինի 35-րդյան 100-ամյակը. հասարակական գիտությունների բնագավառի աշխատողների սրբադան պարտքն է՝ արժանավայել դիմավորել այդ հոբելյանին:

Զեկուցման շուրջը բացվեց մտքերի փոխանակություն: Ակադեմիայի փիլիսոփայության և իրավունքի սեկտորի վարիչ, դոկտոր, պրոֆեսոր Հ. Գ. Ասլանյանն իր ելույթում նշեց, որ հաշվետու տարում սեկտորը ղգալի գործ է կատարել: Այժմ տպագրվում կամ խմբագրական պրոցեսում են գտնվում մի շարք կոլեկտիվ աշխատություններ և մենագրություններ, որոնց թվում՝ «Հասարակությունը և մշակույթը», «Վ. Ի. Լենինը և հեղափոխության դիալեկտիկան», «Գիտական տրամաբանական վերլուծությունը» կոլեկտիվ աշխատության 1-ին հատորը (պատրաստ է նաև 2-րդ հ.), Վահրամ Բաբունյանի նվիրված մենագրությունը և այլն: Վ. Ի. Լենինի ծննդյան 100-ամյակի կապակցությամբ սեկտորը պատրաստում է հատուկ ժողովածու, որտեղ կրնա գտնվել Լենինյան զաղափարական ժառանգության նշանակությունը արդիականության համար:

— Մեր հաջողություններն ավելին կլինեն, — ասաց Հ. Ասլանյանը, — եթե մեր աշխատանքի համար անհրաժեշտ պայմաններ ստեղծվեն: Օրինակ, դեռ անցյալ տարվա հունիսին սեկտորում կազմակերպվել է սոցիոլոգիայի լաբորատորիա, սակայն մինչև այժմ ֆինանսավորվում է միայն լաբորատորիայի վարիչի հաստիքը: Շատ վատ են նաև աշխատանքային տեղի պայմանները, սեկտորը զբաղեցնում է ընդամենը 3 սենյակ:

Արևելագիտության սեկտորի վարիչ, պատմագիտական գիտությունների թեկնածու, Հ. Ինճիկյանը նշեց, որ արևելագիտության բնագավառում կան բազմաթիվ հարցեր, որոնց ուսումնասիրումը ունի կարևոր նշանակություն: Օրինակ, անհրաժեշտ է զբաղվել արտաուսմանյան երկրների զբաղեցման թարգմանությամբ, բյուզանդագիտության և արևելքի ժողովուրդների պատմության ուսումնասիրությամբ, միլիթենական մասշտաբով մշակել սփյուռքահայ մամուլը և այլն: Արևելագիտության հարցերի ուսումնասիրության գործում ակադեմիայի, բարձրագույն ուսումնական հաստատությունների և Մատենադարանի գիտական աշխատողները վատ են համագործակ-

ցում: Պետք է գրել արևմտյան Հայաստանի պատմությունը, լուսաբանել հայ գործիչների դերը արևելքի մշակույթի զարգացման գործում:

ՀՍՍՀ ԳԱ թղթակից-սենդամ Լ. Խաչիկյանը բաժանմունքի բյուրոյի ուշադրությունը հրավիրեց գիտա-կազմակերպչական մի շարք հարցերի վրա: Մասնավորապես նա նշեց, որ գիտական հիմնարկներում օժանդակ աշխատողների՝ թարգմանիչների, լաբորանտների, բիբլիոգրաֆիստների թիվը շատ քիչ է: Բաժանմունքի գրադարանում վատ վիճակում է գտնվում XIX դարի պարբերական մամուլը, այն թերի է և չի մշակվում, չի կոնսերվացվում, չեն հանվում միկրոֆիլմեր, որի պատճառով էլ մամուլը մաշվում և փշանում է: Խոսելով գիտական աշխատանքի մասին, Լ. Խաչիկյանը նշեց, որ կան շատ բնագավառներ, որոնք չեն ուսումնասիրվում: Օրինակ՝ հին և միջին դարերի հայ մշակույթի ուսումնասիրության համար անհրաժեշտ է ունենալ իրանագետներ, թուրքագետներ, ասորագետներ: Տարիներ շարունակ խոսում ենք հայագետների միջազգային համագումար հրավիրելու մասին, բայց չենք իրականացնում:

Ժողովում իրենց ելույթներում կարևոր հարցերի մասին խոսեցին նաև ակադեմիկոս Ա. Ղարիբջանը և բանասիրական գիտությունների դոկտոր, պրոֆեսոր Գ. Հովնանը:

Բաժանմունքի տարեկան ժողովում կարգադրվեցին մի քանի ղեկուցումներ: «ՀՍՍՀ բնակչության վերարտադրությունը և աշխատանքային ռեսուրսների օգտագործումը 1966—1985 թթ.» ղեկուցումով հանդես եկավ տնտեսական գիտությունների թեկնածու Վ. Խոջաբեկյանը, «Պատմա-գրական միտքը Հին Հայաստանում (նախամեսրոպյան շրջան)»՝ պատմական գիտությունների դոկտոր Գ. Սարգսյանը և «Դառնի տաճարի վերականգնման հարցի շուրջը» ղեկուցումով՝ ճարտարապետության թեկնածու Ա. Սահինյանը: